

9
AGONISMATA PHYSICO-MEDICA
QVINTA VICE
IN ANTIQVISSIMA GERMANIAE
ACADEMIA
HEIDELBERGENSI

≡ ⊙

PRIVATO-PVBLICE

PRAESIDE

GEORGIO FRANCO

MED. AC PHIL. D. PP. VNIVERS. PRO-
VANCELLARIO. FAC. MED. DECAN. SERENISS. MAR-
CHION. BADENS. ARCHIATR. ACAD. S.R.I. NAT.
CVRIOS. ET ITALIC. RECUPERAT.
COLLEGA.

INSTITVTA


IN

AVDITORIO MEDICO

VII. Octobr. h. 1682, hor. 8. matut.

a Respondente

IOHANNES PHILIPPO MAVLLIO,
S. Goara-Hasso.



HEIDELBERGÆ,

Literis SAMVELIS AMMONII, VNIVERS. Typogr.



B. C. D.

§. I.

INfantibus bimis, trimis; immo pueris puellisque plurium annorum sæpe oboritur scabies humida in capite, unde proventus pediculorum sat dives; foetor; pili inviscantur, adest pruritus. Germ. heic vocant flüssige vel potius flüssende Köpfe / it. ausgefarne / alibi Grind-Köpfe. Plerumque antea circa collum, pone aures & per cervicem glandulæ valde intumescunt, adeo ut non rite caput interdum movere possint; manifesto indicio e lymphæ copiosa & depravata; (non exclusis aliis humoribus acerbis) plerumque salsa, acri, erodente primo excitari pruritum, quem dum pueri unguibus scalpuriendo solari satagunt; non solum exulcerant; portamque humori turgenti aperiunt; inde illa fæda scabies & pullities capitis pecorum. Hanc dum prohibere; imo sæpe plane tollere conantur mulierculæ deliculæ; dedecus prætendentes, es stehe gar garstig / oder sei wüst / variis unguentis; linimentis aliisque medicaminibus istos catarrhos reprimunt, scabiem siccant; ulcusculaque occludunt obdito quasi pessulo. Sed ecce quanta inde malorum ilias immo lerna! Testor experientiam; illaque mihi centies pluriesque contestatur per regurgitationem humorum horum depravatorum ope circulationis, atque aliter, interdum non solum oriri intumescuntiam faciei & cachexiam; capitis tumores, tussis, anorexias; cordis palmos; febres, uvulæ prolapsus; aurium tinnitus, vertigines, atrophias, oculorum vitia, aphthas; sed sæpe catarrhos suffocantes, convulsiones, epilepsiam: immo mortem. Exempli pauca saltem videbimus, quæ ex ZACVT. *Prax. adm. l. 3 obs. 5.* BORELL. *Cent 2 obs. 92.* VELSCHIO, qui plura alia TRINCAVELLIOq, allegat Excell. D. D. Theoph. BONETVS Fautor & Amicus exoptatissimus in *Indice Medico - Pract. l. XVI. tit. Scabies. §. 11. f. m. 609.* adde GABELCHOV. & AMAT. *Lusit. in Clariss.*

Clariss. Seb. SCHEFFERI Morono f. m. 401. 4. Severe sancteque ergo admonitas velim omnes mulieres, quæ liberorum saluti potius, quam elegantiae studere volunt; ut tanquam ab angue sibi caveant ab hoc errore epidemio.

§. 2. Cum tria medicinae sint Organa (fontes alii nuncupant) Chiriurgia videl. Pharmacia atque Diæta: eque tribus his, Diæta sit amænissima aut saltem toleratu videatur facilior: tamen ab effectu nobiliore si judicemus, judicemus oportet CHIRURGIAM, ut reliquis vetustissimam teste CELSO l. 7. in præfat. p. m. 430. ita & nobilissimam esse; scil. ut CELSVS ib. paullo ante in principio loquebatur: *Est ejus effectus inter omnes Medicinae partes evidentissimus.* Siquidem quod neque Diæta, neque Pharmacia potest efficere aut obtinere; hoc idem Chiriurgia efficit, ceu patet ex Aphor. Hipp. παρεμβεσλημένοις *sive sect. VIII. §. 6. ὅποσα Φάρμακα ἔκ ἤται, σίδηρος ἤται ὅσα σίδηρος ἔκ ἤται, πῦρ ἤται. ὅσα δὲ πῦρ ἔκ ἤται, ταῦτα χρῆνομιζεν ἀνίατα. h. e. Quæ medicamenta non sanant, ea ferrum sanat. Quæ ferrum non sanat, ea ignis sanat. Quæ vero ignis non sanat, ea insanabilia existimare oportet.*

§. 3. De SEPTO CORDIS medio tanquam pariete intergerino inter utrumque ventriculum miralis est inter Anatomicos; dum illud perforatum esse scribunt RIOLANVS, BARTHOLINVS, PLEMPHIVS, WALÆVS & HELMONT. ap. ROLFINC. tr. d. corde cap. VII. p. 44. seq. BARTHOLIN. Cent. 2. hist. 67. BRODBEQV. ap. Eund. Cent. IV. h. 20. ut & HELMONT. tr. Blas. Human. §. 21. scil. ut per ista foraminula aliquid sanguinis transiret, SACHSIVS in Ocean. macro-micro Cosm. §. 60. GASSENDVS, PAYANVS, RIOLAN. & WALÆVS ap. BARTHOLIN. A. R. l. 2. c. 7. & quidem crassior per pulmones, tenuior v. per septum ROLF. tr. d. corde c. 26 p. m. 97. & meth. med. consult. l. 1. §. 2. c. 6. Verum non solum hoc negant alii Viri doctissimi, ut, COLVMB BOTALL VLMVS, VAROLIVS, LAVREMBERG. FOLIVS ap. l. D. HORST. in manud. ad med. p. m. 64. quip. 65. seq. ad stipulatur. It. VESAL. l. 6. de H. C. F. C. HOFMAN: SPIGEL. HARVEIVS, HIGHMOR. ap. ROLFINC. l. a. c. 7. p. m. 45. MOEBIVS Fund. Physiol. c. XII. p. 236. MAVROCORD. de Pneumat. circul. sangu. instrum. c. 1 p. 23. WALÆVS Inst. Med. l. 1. c. 12 p. 19. LEGEL. de circul. sangu. c. 7. p. 34. 7. v. HORNE microc. §. 37. LOEWER de corde c. 2. p. m. 87 seq. Imo ipsa experientia & nuda veritas, ceu multoties publice in Anatom. ipsi demonstravimus.

§. 4. Circa ἀντιπυρετικά (vulgo febrifuga, antifebrilia) hodie maxima est contentio, maxima sollicitudo tam a parte medicorum, quam ab aegrorum parte; ambo enim saltem paroxysmi impedimentum optant, lecuri deinceps quid circa morbi causam aut fundamentum geratur. Sed quam bene cedant; imo saepe quanta mala; atque haut raro prioribus adhuc graviora; e. g. hydrops, cachexia; atrophia &c. inde eveniant, hoc multoties tristissima docuit experientia. Nolo heic tangere superstitiosa ista amuleta, uti sunt *Q. SERENI Sammonici* Abracadabra, atque aliae nugae; nolo transplantationes in cancos *RHVMEII* aut aliorum hac vice examinare; nolo illum vulgi errorem, quem Francofurti sat validum nuper inveni, de pane isto in circum flexo & cocto, spiras vulgo vocant Germ; Breßeln / it. Gasten-Breßeln / alibi Bret-stell: heic adtingere, ubi immunis praedicatur toto anno a febre, qui talem panem comederit ipso die viridum auffm grünen Donnerstag aut opsonium e variis herbis viridibus (superstitio vult 7. vel 9. species) coctum e. g. spinachia, atriplice, chærefolio &c. Ein grün Kraut auffm grünen Donnerstag: quæ omnia perdita superstitio videtur invenisse ut sacra ista Salvatoris nostri merita spurcissime contaminaret. Sed hoc dico famosam ipsam istam Chinam Chinam seu Corticem Peruvianum raro esse fidei tutæ. Testem non solum Clariss. *WILLISIVM* voco; qui de Febr. c. IV. p. m. 153. Conceptis his verbis ita: *Interim ingenue fatebor, me nondum vidisse febrem intermittentem hac cortice semel exhibita, penitus curatum: quin immo, non tantum quartana, verum etiam tertiana, & quotidiana febris paroxysmi aliis remediis facile in totum superabiles, hoc pulvere profligari visi, post breve tempus constanter redibant. Ob hanc rationem, qui febres intermittentes alias facile curabiles, non urgente necessitate, hoc pharmaco tantum brevi subprimunt, medicinam dolosam instituere videntur, nec in rem suam magis, quam qui ulcers cavo & mox denuo erupturo cicatricem inducunt. Immo ipsam experientiam quotidianam; ut taceam mille fraudes circa quinquinam istam (uti vulgo audit) atque mangonia mala ap. myropolas patrari.*

F I N I S